

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ

Кабинет секретара Представничког дома



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM

Kabinet sekretara Predstavničkog doma
Ured tajnika Zastupničkog doma

Broj: 01-02-1-2209/17

Sarajevo, 15. 9. 2017.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18-09-2017

Organizacija i jedinica	Klasifikaciona oznaka	Redni broj	Broj priloga

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

Predmet: Prijedlog zakona o izmjeni Zakona o plaćama i naknadama u institucijama Bosne i Hercegovine, predlagatelj: zastupnik Borislav Bojić, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjeni Zakona o plaćama i naknadama u institucijama Bosne i Hercegovine, čiji je predlagatelj zastupnik Borislav Bojić, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,



Dostaviti:

- naslovu
- a/a

**BOSNA I HERCEGOVINA
PARLAMENTARNA SKUPŠTINA BiH
PREDSTAVNIČKI DOM
Klub poslanika SDS-a**

Sarajevo, 6.9.2017.

**PARLAMENTARNA SKUPŠTINA BiH
PREDSTAVNIČKI DOM**
n/r predsjedavajuće Borjane Krišto

PREDMET: Prijedlog zakona o izmjeni Zakona o plaćama i naknadama u
institucijama Bosne i Hercegovine

Na osnovu čl. 104. i 105. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), kao ovlašteni predlagač dostavljam Prijedlog zakona o izmjeni Zakona o plaćama i naknadama u institucijama Bosne i Hercegovine, radi razmatranja i usvajanja u Parlamentarnoj skupštini Bosne i Hercegovine.

Predlažemo da se Prijedlog zakona razmatra po hitnom postupku u skladu s članom 133. Poslovnika Predstavničkog doma.

U prilogu dostavljam Prijedlog zakona s obrazloženjem, pregled odredbe koja se mijenja, Prečišćeni tekst Zakona o plaćama i naknadama u institucijama Bosne i Hercegovine, te elektronsku verziju Prijedloga zakona.

S poštovanjem,

POSLANIK
Borislav Bojić

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma, održanoj __. __. 2017. godine, i na __. sjednici Doma naroda, održanoj __. __. 2017. godine, usvojila je

ZAKON O IZMJENI ZAKONA O PLAĆAMA I NAKNADAMA U INSTITUCIJAMA BOSNE I HERCEGOVINE

Član 1.

U Zakonu o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16 i 94/16) u članu 21. (Platni razredi i koeficijenti za imenovana lica), u dijelu tabele *Platni razred* u koloni A5, u dijelu *Radno mjesto* iza riječi: „stručnjak upravnog prava“ stavlja se zarez i dodaju riječi: „oblasti izvođenja radova, javnih nabavki, transporta ili strateškog poslovnog upravljanja“.

U tabelarnom prikazu kolona A7 i riječi: „Član Ureda za razmatranje žalbi – stručnjak za javne nabavke“ i „4.96“ brišu se.

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

Broj:

Datum:

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I. USTAVNI OSNOV ZA USVAJANJE ZAKONA

Ustavni osnov za donošenje Zakona o izmjeni Zakona o plaćama i naknadama u institucijama Bosne i Hercegovine sadržan je u odredbama člana IV. 4. a) Ustava Bosne i Hercegovine.

II. RAZLOZI ZA DONOŠENJE ZAKONA

Zakonom o Javnim nabavkama („Službeni glasnik BiH“, broj 39/14) u članu 93. stav (5) definirano je da filijale Ureda za razmatranje žalbi (URŽ) imaju po pet članova, od kojih su tri člana priznati stručnjaci upravnog prava i/ili upravnog postupka, a dva člana su stručnjaci iz oblasti izvođenja radova, javnih nabavki, transporta i strateškog poslovnog upravljanja.

Zakonom o javnim nabavkama u članu 93. stav (9) definirano je da su članovi URŽ-a u obavljanju svoje funkcije nezavisni, jednaki i vezani isključivo za poštivanje Ustava BiH i primjenu zakona u Bosni i Hercegovini.

U Zakonu o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16 i 94/16) član 3. postavlja osnovne principe za određivanje iznosa plaća i drugih naknada zaposlenima u institucijama Bosne i Hercegovine, te principom „a) ista plaća za isti ili sličan posao“ bliže determinira pripadajući platni razred.

Član 3. tačka a) Zakona o plaćama i naknadama u institucijama Bosne i Hercegovine u koliziji je s članom 21., platnim razredom A7. istog zakona, te se na ovaj način usklađuju citirane zakonske odredbe i otklanjaju očigledne nejednakosti, odnosno nepravilnosti.

III. PRINCIPI NA KOJIMA JE ZASNOVAN PRIJEDLOG ZAKONA

Prijedlog zakona o izmjeni Zakona o plaćama i naknadama u institucijama Bosne i Hercegovine zasnovan je na principima pravne sigurnosti, pravičnosti, društvene odgovornosti i zaštite prava na rad.

IV. OBRAZLOŽENJE PREDLOŽENIH RJEŠENJA

U Zakonu o plaćama i naknadama u institucijama Bosne i Hercegovine u članu 2. tački f) definirano je da je „Platni razred kvalifikacioni element koji se utvrđuje za svako radno mjesto u institucijama Bosne i Hercegovine prema kriterijima, i to prema: vrsti poslova, složenosti poslova radnog mjesta, vrsti i stepenu školske spreme, radnom iskustvu, općim i posebnim znanjima i vještinama utvrđenim pravilnikom, a prema opisu poslova i zadataka, odgovornosti radnog mjesta u odnosu na ukupno funkcioniranje institucije kao i na osnovu objektivnih kriterija mjerenja vrijednosti posla“.

Članovi URŽ-a su, prema svim navedenim kriterijima, u potpunosti jednaki.

V. POTREBNA FINANSIJSKA SREDSTVA

Realizacija odredbi predloženog zakona neće zahtijevati dodatna sredstva u budžetu institucija BiH i međunarodnih obaveza BiH.

ODREDBA ZAKONA KOJA SE MIJENJA -preuzeto iz neslužbenog prečišćenog teksta-

Član 21. (Platni razredi i koeficijenti za imenovana lica)

Platni razred	Radno mjesto	Koeficijent
A1	Generalni revizor, član Centralne izborne komisije	8,40
A2	Zamjenik generalnog revizora, direktor Regulatorne agencije za komunikacije BiH, ombudsmen za ljudska prava BiH, generalni direktor OSABiH, direktor Agencije za zaštitu ličnih podataka u BiH	8,00
A3	Predsjedavajući Konkurentskog vijeća BiH, predsjedavajući Komisije za koncesije BiH, zamjenik direktora Agencije za zaštitu ličnih podataka u BiH	7,50
A4	Predsjedavajući Ureda za razmatranje žalbi, član DERK-a, predsjedavajući Vijeća Regulatorne agencije za poštanski saobraćaj, član Konkurentskog vijeća BiH, zamjenik direktora OSABiH, zamjenik predsjedavajućeg Komisije za koncesije BiH	7,00
A5	Član Ureda za razmatranje žalbi - stručnjak upravnog prava, član Komisije za koncesije BiH, član Vijeća Regulatorne agencije za poštanski saobraćaj BiH, glavni inspektor OSABiH	6,50
A6	Član Odbora državne službe za žalbe	6,00
A7	Član Ureda za razmatranje žalbi – stručnjak za javne nabavke	4,96
A8	Savjetnik direktora OSABiH	4,08

ODREDBA ZAKONA KOJA SE MIJENJA S UGRAĐENIM IZMJENAMA IZ PRIJEDLOGA ZAKONA

Član 21. (Platni razredi i koeficijenti za imenovana lica)

Platni razred	Radno mjesto	Koeficijent
A1	Generalni revizor, član Centralne izborne komisije	8,40
A2	Zamjenik generalnog revizora, direktor Regulatorne agencije za komunikacije BiH, ombudsmen za ljudska prava BiH, generalni direktor OSABiH, direktor Agencije za zaštitu ličnih podataka u BiH	8,00
A3	Predsjedavajući Konkurentskog vijeća BiH, predsjedavajući Komisije za koncesije BiH, zamjenik direktora Agencije za zaštitu ličnih podataka u BiH	7,50
A4	Predsjedavajući Ureda za razmatranje žalbi, član DERK-a, predsjedavajući Vijeća Regulatorne agencije za poštanski saobraćaj, član Konkurentskog vijeća BiH, zamjenik direktora OSABiH, zamjenik predsjedavajućeg Komisije za koncesije BiH	7,00
A5	Član Ureda za razmatranje žalbi - stručnjak upravnog prava, oblasti izvođenja radova, javnih nabavki, transporta ili strateškog poslovnog upravljanja, član Komisije za koncesije BiH, član Vijeća Regulatorne agencije za poštanski saobraćaj BiH, glavni inspektor OSABiH	6,50
A6	Član Odbora državne službe za žalbe	6,00
A7	Član Ureda za razmatranje žalbi — stručnjak za javne nabavke	4,96
A8	Savjetnik direktora OSABiH	4,08

